

## Қазақстан Республикасы Ішкі істер министрінің тіркелген контингенті арасында ВИЧ/ЖҚТБ таралуының алдын алу жөніндегі шаралар туралы

### *Күшін жойған*

Қазақстан Республикасының Ішкі істер министрі 2001 жылғы 12 сәуірдегі N 313 және Қазақстан Республикасының Денсаулық сақтау ісі жөніндегі агенттігінің 2001 жылғы 12 сәуірдегі N 334 біріккен бұйрығы Қазақстан Республикасының Әділет министрлігінде 2001 жылғы 17 мамырда тіркелді. Тіркеу N 1506. Ескерту: Бірлескен бұйрықтың 2002 жылғы 1 қаңтарынан бастап күші жойылды - Әділет министрінің 2001 жылғы 6 желтоқсандағы N 140, ҚР Ішкі істер министрінің 2001 жылғы 7 желтоқсандағы N 862, Денсаулық сақтау министрінің 2001 жылғы 10 желтоқсандағы N 1122 бірлескен бұйрығымен. ~V011717

"ЖҚТБ ауруының алдын алу туралы" Z946000\_ , "Қазақстан Республикасында азаматтардың денсаулығын сақтау туралы" Z970111\_ Қазақстан Республикасының Заңдарына, Қазақстан Республикасы Қылмыстық-атқару кодексінің Z970208\_ 97-бабына сәйкес

### **БҰЙЫРАМЫЗ:**

1. Қоса беріліп отырған Қазақстан Республикасы Ішкі істер министрінің тіркелген контингенті арасында ВИЧ/ЖҚТБ таралуының алдын алу жөніндегі жұмысты ұйымдастыру тәртібі бекітілсін.

2. ЖҚТБ-ның алдын алу және оған қарсы күрес жөніндегі республикалық орталықтың директоры:

1) Қазақстан Республикасы Ішкі істер министрінің тіркелген контингенті арасында ВИЧ/ЖҚТБ-ның алдын алу, оны анықтау мен емдеу жөніндегі әдістемелік көмекті қамтамасыз етсін;

2) Қазақстан Республикасы Ішкі істер министрінің қабылдау-тарату орындарындағы, Кәметке толмағандарды уақытша оқшаулау, бейімдеу және ақтау орталықтарындағы, тергеу изоляторларындағы және түзеу мекемелеріндегі контингентті ВИЧ/ЖҚТБ-ның болуына ақысыз тексеруді қамтамасыз етсін;

3) Қазақстан Республикасы Ішкі істер министрінің Қылмыстық-атқару жүйесі комитетімен (П.Н. Посмаков), Қамауда ұстау орындары департаментімен (М.М. Баймұхамбетов), Қоғамдық қауіпсіздік департаментімен (Қ.С. Тыныбеков), Медициналық басқармасымен (Б.Х. Әлібеков) бірлесе отырып, Қазақстан Республикасының Ішкі істері ведомстволық денсаулық сақтау мекемелерінің медициналық қызметкерлерін ВИЧ/ЖҚТБ проблемалары бойынша оқытуды

қамтамасыз етсін;

4) Қазақстан Республикасы Ішкіісминінің Қылмыстық-атқару жүйесі комитетімен (П.Н. Посмаков), Медициналық басқармасымен (Б.Х. Әлібеков) бірлесе отырып, ВИЧ-инфекциясының алдын алу жөніндегі білім беру бағдарламаларын және Қазақстан Республикасы Ішкіісминінің тіркелген контингентін даярлауға арналған әдістемелік құралдар әзірлесін.

3. Қазақстан Республикасы Ішкіісминінің Қылмыстық-атқару жүйесі комитеті (П.Н. Посмаков), Қамауда ұстау орындары департаменті (М.М. Баймұхамбетов), Медициналық басқармасы (Б.Х. Әлібеков):

1) қабылдау-тарату орындарында, Кәмелетке толмағандарды уақытша окшаулау, бейімдеу және ақтау орталықтарында, тергеу изоляторларында және түзеу мекемелерінде ұсталатын азаматтардың ВИЧ/ЖҚТБ-ны анықтау үшін тексерілуін ұйымдастыруды қамтамасыз етсін;

2) ВИЧ-инфекциясын жұқтырған және ЖҚТБ-мен ауыратын, туберкулезбен тіркескен ВИЧ-инфекциясын жұқтырған және ЖҚТБ-мен ауыратын сотталғандарды негізгі массадан окшау ұстасын;

3) ЖҚТБ-ның алдын алу және оған қарсы күрес жөніндегі республикалық орталықпен бірлесе отырып, Қазақстан Республикасының Ішкіісмині оқу орындарының жеке құрамын, курсанттары мен тыңдаушыларын, Қазақстан Республикасының Ішкіісмині тергеу изоляторларының және қылмыстық-атқару жүйесі мекемелерінің контингентін жыл бойы арнайы оқыту сағаттарын бөлу арқылы "ВИЧ/ЖҚТБ проблемасы және оның алдын алу" атты білім беру

бағдарламасы бойынша оқытуды қамтамасыз етсін.

4. Осы бұйрықтың орындалуын бақылау Қазақстан Республикасының Ішкі істер вице-министрі ішкі қызмет генерал-майоры Н.А. Власовқа және Қазақстан Республикасының Денсаулық сақтау ісі жөніндегі агенттігі төрағасының бірінші орынбасары А.Т. Айдархановқа жүктелсін.

Қазақстан Республикасының  
Ішкі істер министрі  
Ішкі әскерлер қолбасшысы  
генерал-майор

Қазақстан Республикасының  
Денсаулық сақтау ісі  
жөніндегі агенттігінің  
төрағасы

Қазақстан Республикасы  
Ішкіісминінің  
2001 жылғы 12 сәуірдегі N 313

Қазақстан Республикасы  
Денсаулық сақтау ісі  
жөніндегі агенттігінің

бұйрығымен бекітілген

2001 жылғы 12 сәуірдегі

№ 334 бұйрығымен

бекітілген

Қазақстан Республикасы Ішкі іс министрінің тіркелген контингенті  
арасында ВИЧ/ЖҚТБ таралуының алдын алу жөніндегі жұмысты  
ұйымдастыру

## ЕРЕЖЕЛЕРІ

### 1. Жалпы ережелер

1. Жұқтырылған қорғаныс тапшылығы белгісі (бұдан әрі - ЖҚТБ) қорғаныс және жүйке жүйелерін зақымдау арқылы өтетін, ауыр инфекциялық, паразитарлық аурулар мен қатерлі жаңадан пайда болулардың дамуымен байқалатын вирустық этиология ауруы болып табылады. Қазіргі кезде инфекцияны жұқтырудың мынадай жолдары анықталған: жыныстық, парентеральдық (тері және шырышты жамылғының тұтастығы бұзылған кезде), трансфузиондық (донор қанын және оның препараттарын қайта құю кезінде), сондай-ақ анасынан нәрестесіне (жүкті болу, туу, төсінен емізу кезінде).

Ауру көбіне инъекциялық нашақорлар, ретсіз жыныстық қатынастар жасаушы адамдар, гомонәпсіқұмарлар арасында тіркеледі.

Республикамызда пенитенциарлық мекемелерге келіп түсу кезінде анықталатын адамның иммунтапшылығы вирусын (бұдан әрі - ВИЧ) жұқтырған адамдар санының өсуі байқалып отыр. Пенитенциарлық мекемелерге келіп түсетін адамдардың көпшілігі тексеру сәтінде ВИЧ-инфекциясының лабораторлық әдіспен анықталмайтын жасырын түрде өтуі кезеңінде (серонегативтік кезең) болуы мүмкін, алайда, бас бостандығынан айыру жағдайларында олар маңайындағыларға үлкен қауіп төндіреді.

Қазақстан Республикасында ЖҚТБ-мен ауру жағдайлары санының өсуі және бұл инфекцияның эпидемиологиялық ерекшеліктері денсаулық сақтау органдары мен мекемелеріне ведомстволық тиесілігіне қарамастан ВИЧ-инфекциясын жұқтырған адамдарды дер кезінде анықтауды ұйымдастыру, инфекция жұқтырғандарды бақылау, ЖҚТБ-ның одан әрі таралуына кедергі жасайтын эпидемиологиялық қадағалау іс-шараларын жүргізу қажеттілігін талап етіп отыр.

## 2. Денсаулық сақтау ұйымдарының ЖҚТБ-ның алдын алу және оған қарсы күрес жөніндегі орталықтардың міндеттері

2. Денсаулық сақтау ұйымдарының ЖҚТБ-ның алдын алу және оған қарсы күрес жөніндегі орталықтардың негізгі міндеттері:

1) ЖҚТБ-ның алдын алу және оған қарсы күрес жөніндегі орталықтар зертханаларының материалдарды қабылдап алуы мен ВИЧ-инфекциясына зерттеуді иммуноферменттік анализ (бұдан әрі - ИФА) әдісімен жүргізуі, қажет болғанда ЖҚТБ-ның алдын алу және оған қарсы күрес жөніндегі республикалық орталыққа ВИЧ-инфекциясына қарсы денелерді анықтау жөніндегі зерттеулер жүргізуші зертхана жүзеге асыратын иммуноблотинг әдісімен анализдер немесе басқа да тереңдетілген зерттеулер жүргізу үшін материалдар жеткізу;

2) Қазақстан Республикасы Ішкіісминінің ведомстволық денсаулық сақтау қызметтеріне тергеу изоляторларында (бұдан әрі - ТИ), түзеу колонияларында ( бұдан әрі - ТК), қабылдау-тарату орындарында, Кәмелетке толмағандарды уақытша оқшаулау, бейімдеу және ақтау орталықтарындағы (бұдан әрі - КТУОБАО) ұсталатын, ВИЧ-инфекциясы табылған және ЖҚТБ-мен ауырған адамдар туралы уақытылы ақпарат беру;

3) анықталған ВИЧ-инфекциясын жұқтырғандарға және ЖҚТБ-мен ауыратындарға білікті кеңес беруді қамтамасыз ету;

4) ішкі істер органдарына ЖҚТБ бойынша сол аумақтағы эпидемиологиялық жағдай туралы, сондай-ақ қатерлі топтар бойынша эпидскрининг нәтижелері туралы ақпарат беру;

5) Қазақстан Республикасы Ішкіісминінің ведомстволық денсаулық сақтау қызметтеріне ВИЧ/ЖҚТБ-ның алдын алу мәселелері бойынша тіркелген контингентті оқыту жөнінде әдістемелік көмек көрсету болып табылады;

6) ТИ-де, ТК-да, қабылдау-тарату орындарында, УҰИ-да, КТУОБАО-да ұсталатын адамдарды ВИЧ-инфекциясына тексеру (ИФА, иммуноблотинг) " ЖҚТБ ауруының алдын алу туралы" Z946000\_ , "Қазақстан Республикасында азаматтардың денсаулығын сақтау туралы" Z970111\_ Қазақстан Республикасының Заңдарына және Қазақстан Республикасының Денсаулық сақтау ісі жөніндегі агенттігінің нормативтік құқықтық кесімдеріне сәйкес республикалық және жергілікті бюджеттер есебінен жүзеге асырылады.

## 3. Ішкі істер органдары бөлімшелерінің ЖҚТБ-ның алдын алу жөніндегі міндеттері

3. Алматы қаласы ПББ-нің, облыстардағы ПББ-ПБ-нің, облыстардағы ҚАЖ Комитеті басқармаларының медициналық қызметтері (бұдан әрі - МК):

1) ВИЧ/ЖҚТБ-ның алдын алу мәселелері бойынша медициналық-ағарту жұмыстарын жүргізуді қамтамасыз етеді;

2) мыналарға:

ведомстволық емдеу-алдын алу мекемелерінің стерилизациялау бөлімшелерінің жұмысын ұйымдастыруға және дезинфекциялық-стерилизациялау режимдерінің Қазақстан Республикасының нормативтік құқықтық кесімдері талаптарына қатаң сәйкестікте болуына;

ЖҚТБ-ны жұқтырғандарға жататын контингенттің Қазақстан Республикасы Ішкі іс министрінің және Қазақстан Республикасының Денсаулық сақтау ісі жөніндегі агенттігінің нормативтік құқықтық кесімдеріне сәйкес тексеру жүргізуге толық қамтылуына;

ведомстволық бағыныстағы мекемелердің статистикалық есеп беруді дер кезінде ұсынуына;

ВИЧ-инфекциясын жұқтырған сотталғандарды қылмыстық-атқару жүйесінің арнайы мекемелеріне этаптау кезіндегі құпиялылықтың сақталуына бақылау орнатады.

4. Алматы қаласы ПББ-нің, облыстардағы ПББ-ПБ-нің, облыстардағы ҚАЖ Комитеті басқармаларының Санитарлық-эпидемиологиялық станциялары (бұдан әрі - СЭС):

1) мыналарға:

қатерлі топқа жататын адамдарды анықтауға, есепке алуға және олардың толық тексерілуіне;

медициналық персонал қанмен жұмыс істеген кезде дезинфекциялық режимнің сақталуына және оларды жеке қорғану құралдарымен қамтамасыз етілуіне;

серопозитивтік адамдарды есепке алуға, диспансерлік бақылауға және қайта тексеруге;

ВИЧ-инфекциясын жұқтырғандармен немесе ЖҚТБ-мен ауыратындар-ауыратындармен байланыста болғандарды есепке алу және байланыстан кейін 3 және 6 ай өткен соң, ал одан әрі ерікті түрде лабораторлық тексеруге;

ведомстволық емдеу-алдын алу мекемелерінің ВИЧ-инфекциясын жұқтырғанды анықтаудың әрбір жағдайына белгіленген нысандардағы төтенше хабарламаларды уақытылы жіберуіне;

ведомстволық бағыныстағы мекемелердің статистикалық есеп беруді дер кезінде ұсынуына;

анықталған инфекция жұқтырған адамдардың немесе ЖҚТБ-мен ауыратындардың инфекциялық ауруларды белгіленген үлгідегі есепке алу журналында тіркелуіне және төтенше хабарлардың Қазақстан Республикасы

Ішкіісминінің және Қылмыстық-атқару жүйесі комитетінің тиісті медициналық басқармаларына (бұдан әрі - медициналық басқарма) жіберілуіне бақылау орнатады;

2) медициналық басқармаға ВИЧ-инфекциясын жұқтырудың әрбір анықталған жағдайы жөніндегі жазбаша ақпаратты мынадай схема бойынша ұсынады:

төлқұжат деректері (Т.А.Ә.), туған датасы мен жылы, мекен-жайы, инфекция жұқтырған ұсталатын мекеме;

келіп түскен датасы, бап, қатерлі топқа қатысы, байланыста болған адамдары туралы мәліметтер (жыныстық партнерлері, нашақор-партнерлері, ауру адамға қаны құйылған донорлар туралы, ауру адам қанының реципиенттері, медициналық байланыстар туралы);

тексеру: анализдің нөмірі көрсетілген ИФА мен иммуноблотинг нәтижесі, жүргізілген датасы, клиникалық диагнозы;

ауруға (жұқтырушыға) ЖҚТБ-ны біле тұра жұқтырғаны үшін қылмыстық жауапкершілік туралы ескертудің жасалған-жасалмағаны;

мамандандырылған мекемеге жіберілген датасы;

3) статистикалық есеп беруді медициналық басқармаға есептік кезеңнен кейінгі айдың 10 күніне қарай ұсынуды қамтамасыз етеді;

4) аумақтық денсаулық сақтау мекемелерімен (облыстық ЖҚТБ орталықтарымен, наркологиялық диспансерлермен, тері-венерологиялық диспансерлермен және т.б.) ақпарат алмасу және ВИЧ/ЖҚТБ-ның алдын алуға бағытталған іс-әрекеттерді үйлестіру бойынша өзара іс-қимыл жасайды;

5) ВИЧ/ЖҚТБ-ны жұқтырғандар Қазақстан Республикасы Ішкіісминінің мекемелерінен босатылған жағдайда есепке қою және диспансерлік бақылауға алу үшін олар кеткен жердегі республикалық және аумақтық (облыстық, Астана, Алматы қалаларының) ЖҚТБ-ның алдын алу және оған қарсы күрес жөніндегі орталықтарға жазбаша түрде хабарлайды.

5. ТИ мен ТК-ның бастықтары:

1) мекеме бойынша бұйрықпен медициналық, жедел-режимдік және тәрбиелеу қызметтерінен қатерлі топқа жататын контингентті анықтау мен есепке алуға жауапты қызметкерлерді, олардың дер кезінде және толық тексерілуін, есеп беруді ұсынуды, есеп беру-есепке алу құжаттамасын жүргізуді, санитарлық-ағарту жұмысын ұйымдастыруды тағайындайды;

2) Қазақстан Республикасы Ішкіісминінің және Қазақстан Республикасының Денсаулық сақтау ісі жөніндегі агенттігінің нормативтік құқықтық кесімдеріне V011418\_ сәйкес мекемеде тергеудегілер мен сотталғандар қатарындағы контингенттің тексерілуін ұйымдастырады;

3) статистикалық есеп берудің МҚ-ға есептік кезеңнің 5 күніне қарай

уақытылы ұсынылуын қамтамасыз етеді;

4) ЖҚТБ-ға қан алу үшін жеке кабинет бөліп, оны жабдықтайды, алынған материалды оның сапасына кепілдік беретін талаптарды сақтай отырып, аумақтық диагностикалық зертханаларға мекеме көлігімен жеткізеді.

Қан немесе қан сарсуы үлгілеріне мекеменің атауы, тексерілушінің Т.А.Ә., туған жылы, жынысы, материалды алу датасы, қатерлі тобы көрсетілген бланк қоса беріледі, клиникалық көрсетулер бойынша тексеру кезінде - диагнозы көрсетіледі;

5) тергеудегі және сотталған ВИЧ-инфекциясын жұқтырғандарды және ЖҚТБ-мен ауыратындарды, сондай-ақ қатерлі топқа жататын адамдарды медициналық бөлімде жүргізілетін журналда (1-қосымша) есепке алуды қамтамасыз етеді.

Қатерлі топ контингентін ғана картотекалық есепке алуды мекеменің жедел бөлімі жүргізеді, онда міндетті түрде ВИЧ/ЖҚТБ-ға тексеру туралы (2-қосымша) белгі болуы тиіс. ВИЧ/ЖҚТБ-ға тексерілетіндердің картотекасы жедел бөлімде сақталады, оны жедел және медициналық бөлімдердің қызметкерлері толтырады. Тергеудегі немесе сотталған адамды бір мекемеден екінші мекемеге ауыстырған кезде есепке алу карточкасы жеке ісіне қосылады.

Қатерлі топтың инфекция жұқтырмаған адамдары тек олардың жаза мерзімі аяқталғаннан кейін ғана есептен шығарылған болып саналсын. ВИЧ-инфекциясын жұқтырған адамдар өмірінің барлық кезеңінде диспансерлік бақылауда болады.

6. Қоғамдық қауіпсіздік қызметтері арнайы мекемелерінің бастықтары:

1) қабылдау-тарату орындарына, КТУОБАО-ға келіп түсетін барлық контингентті ВИЧ-ке тексеруді дерматовенеролог, ал әйел жынысты жасөспірімдерді - қажет болғанда гинеколог алдын ала қарағаннан кейін ұйымдастырады;

2) медициналық столмен, тоңазытқышпен, қол жууға арналған раковинамен, медициналық қызметкерге арналған ауыстырылып отыратын белгі салынған санитарлық киіммен және аяқ киіммен қамтамасыз етіп, ЖҚТБ-ға қан алу үшін жұмыс орнын бөледі;

3) қан немесе қан сарсуы үлгілерін мекеме көлігімен диагностикалық зертханаға дер кезінде (бір тәулік ішінде) жеткізуді қамтамасыз етеді;

4) ТИ-ға, білім берудің арнаулы ұйымдарына жіберілетін адамдардың жеке ісіне ЖҚТБ-ға тексерудің датасы мен нәтижесі және қатерлі топқа қатысы (ол анықталған жағдайда) көрсетіле отырып, белгіленген үлгідегі анықтаманы қоса береді.

#### 4. Тексеру әдістемесі мен тәртібі

7. ВИЧ-ке қарсы денелері бар адамдардың қанын ИФА әдісімен зертханалық тексеру оларды анықтаудың негізгі әдісі болып табылады.

Қан ИФА-дағы бастапқы серодиагностикалау үшін күре тамырдан 3-5 мл. мөлшерінде алынып, дәл сол күні зерттеу үшін ВИЧ-ке қарсы денелердің болуын анықтайтын аумақтық денсаулық органдарының зертханасына жіберіледі. Тез арада жеткізу мүмкіндігі болмаған жағдайда қан сарсуын бөліп алып, оны стерильді флаконға ауыстыру керек. Кейіннен зертханаға жеткізу арқылы оны жеті тәуліктен аспайтын мерзім ішінде плюс төрт градус температурада сақтау керек.

8. Тексерілуші ВИЧ-ке оң нәтиже берген болса, ол алғаш рет тексеріліп отырған жағдайда бастапқы оң нәтиженің дұрыстығын растау үшін қан сарсуын комиссиялы түрде қайта алу қажет.

Нәтиженің ақырғы расталуын ЖҚТБ-ның алдын алу және оған қарсы күрес жөніндегі республикалық орталықтың референс-зертханасы иммуноблотингі реакциясы арқылы жүргізеді.

9. Иммуноблотингінде күдікті нәтижелері бар адамдар анықталған жағдайда оларға Қазақстан Республикасының Денсаулық сақтау ісі жөніндегі агенттігінің нормативтік құқықтық кесімдеріне сәйкес бақылау жүргізіледі.

## 5. Медико-деонтологиялық шарттар

10. ВИЧ инфекциясын жұқтырған немесе ЖҚТБ-мен ауыратын адам ВИЧ-инфекциясын жұқтырғаны және ЖҚТБ-ның диагнозы туралы, өзінің отбасына және онымен байланыста болатын адамдарға төндіретін қаупі, жұқтыруды болдырмау шаралары туралы білуі, сондай-ақ айналасындағыларға жұқтырғаны үшін қылмыстық жауапкершілік туралы ескертілуі керек.

## 6. Диспансерлік бақылау тәртібі

11. ВИЧ-ке қарсы денелер болуының оң нәтижелерінен кейін (ИФА) барлық ВИЧ-инфекциясын жұқтырғандар және ЖҚТБ-мен ауыратындар диспансерлік есепке алынады: ішкі істер органдарының жеке құрамы - Ішкіісминнің, ПББ-ПБ-нің емханасында, тергеу қамауындағылар - ТИ-дің медициналық бөлімдерінде, сотталғандар - мамандандырылған мекемелерде.

12. ВИЧ-инфекциясын жұқтырғандар және ЖҚТБ-мен ауыратындарды диспансерлік бақылауды ЖҚТБ-ның алдын алу және оған қарсы күрес жөніндегі аумақтық орталықтардың мамандары инфекционист-дәрігермен немесе пенитенциарлық мекеменің ВИЧ/ЖҚТБ бойынша жауапты дәрігерімен бірлесіп



жүргізеді, ал аумақтық орталықтардың диспансерлік бақылау мүмкіндіктері болмағанда (қашық орналасуы) ВИЧ-инфекциясын жұқтырған және ЖҚТБ-мен ауыратын адам ұсталатын түзеу мекемесінің дәрігері жүргізеді. Диспансерлік бақылауға клиникалық көрінулеріне қарай 6 айда 1 рет: бастапқы көрінулер кезеңінде - 3 айда 1 рет, ЖҚТБ-мен ауыратындар - клиникалық көрсетулері бойынша аурудың жағдайына қарай кемінде жүргізілетін зертханалық және клиникалық тексеру жатады. ВИЧ-инфекциясын жұқтырғандармен байланыста болған адамдарға тексеру байланыстан кейін 3 және 6 ай өткен соң, одан әрі - ерікті түрде жүргізіледі.

13. Зерттеулердің нәтижелері мен клиникалық статусындағы өзгерістер диспансерлік бақылау картасында ескеріледі.

14. ВИЧ-инфекциясын жұқтырғандардың және ЖҚТБ-мен ауыратындардың медициналық құжаттамасына (сыртқы бетіне) "ВИЧ" немесе "ЖҚТБ" деген жазба белгілері жасалуы тиіс.

15. Қазақстан Республикасы Ішкіісминінің, облыстардағы ПББ-ПБ-нің емханаларына бекітілген контингент қатарындағы иммуноблотингтің оң нәтижелері және ЖҚТБ-ның клиникалық көрінулері бар адамдар денсаулық сақтау органдары мекемелерінің арнайы бөлінген бөлімшелеріндегі

госпитальға жатқызылады.

Имуноблотингтің оң нәтижелері бар сотталғандар Ішкіісмин қылмыстық-атқару жүйесінің мамандандырылған түзеу мекемелерінде сотталғандардың негізгі ортасынан оқшау ұсталады.

#### 1-қосымша

ВИЧ жұқтырушылыққа тексерілген қатерлі топқа жататын адамдарды есепке алу

#### ЖУРНАЛЫ

---

NN Т.А.Ә. Туған Есепке ИФА. Диспан. Иммуно- Қашан Ақпарат Дерек. күні, алу дағы серлік блотинг және қашан терді айы, датасы зерт. есепке әдісімен қайда және толтыр. жылы (айы, хана. алу зертхана. кетті кімге ған жылы) лық датасы лық зерт. жібе. медқыз.

зерт.            теу дата.            рiлдi меткер.  
теу            сы мен            дiң  
датасы            нәтижесi            қолы  
мен  
нәти.  
жесi

---

1   2   3   4   5   6   7   8   9   10

---

## 2-қосымша

### ЖҚТБ-ға тексерiлетiн адамның ЕСЕПКЕ АЛУ КАРТОЧКАСЫ

Жедел бөлiм толтырады:

1. Тегi

\_\_\_\_\_

2. Аты

\_\_\_\_\_

3. Әкесiнiң аты

\_\_\_\_\_

4. Туған күнi, айы, жылы

\_\_\_\_\_

5. Қатерлi тобы

\_\_\_\_\_

6. Тұтқындалғанға немесе сотталғанға  
дейiнгi мекен-жайы (жеке iсiндегi  
деректер бойынша)

\_\_\_\_\_

Медициналық бөлiм толтырады:

---

Мекеме, Қан алу ИФА-дағы Иммуно- Диспансерлiк Кеткен  
келген датасы зертханалық блотинг есепке алу немесе  
датасы зерттеу датасы датасы босатылған  
датасы мен мен датасы

нәтижесі нәтижесі

---

1	2	3	4	5	6
---	---	---	---	---	---

---

Мамандар:

Икебаева А.Ж.

Жұманазарова А.Б.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМҚ